

جریدہ علمیہ

مہینہ جیلہ، اسلامیہ نمک، جریدہ، رسیہ سید

محرم ۱۳۲۷

عدد: ۳۹

آدھ بر نشر اولہ

دوبئی سنہ

ماده ۸ ابدست آله جی محله لرك و ابدستخانه لرك هر آن تطهیراتسده تكاسل كوسترلامسنة اعتنا اولنه جقدر .

ماده ۹ درگاهلرده بیتوت ایدن درویشاندن هر هانکی برخسته لفه طوتیلانلر ایچون درحال بلدی طیبیلرینه مراجعت ایدلک و ضربای مسلمینه مخصوص خسته خانه لره کوندرمك لازمدر .

ماده ۱۰ اشو تطیباتنامهك برصورتی درگاهلرده مناسب محله لره تعلیق ایدیه جك وحسن تطیقه مراکز و تكایا مشایخی و مجلس مشایخ مفتشاری طرفلرندن نظارت اولنه جقدر ل ۱۲ ذی القعدة ۳۳۶ و ل ۱۹ اغستوس ۳۳۷

تكیاده مابه التطبيق اولق اوزره قلمه النان تعلیباتنامه در

بعضی اصطلاحات بیاننده در

ماده ۱ طریقت : عقائد حقه اسلامیة ايله معتقد و هناتم صحیحه شرعیة ايله طامل اوله رق برشیخ كاملك ارشاد و تربیه روحانیة سیله مراتب و منازل و مقامات معنویه ده ترقی و تكمله سائق برسيرت مخصوصه در .

ماده ۲ شیخ و خلیفه : سلسله طریقتی متسلسلأ خاتم الانبیا علیه وعلیهم افضل التحایا افندیمر حضرتلرینه متصل بر استاد كامل و مكملك ارشاد و تربیه روحانیة سیله طریقت علیهك سیر و سلوكنی بالاء تمام ظاهرأ و باطنأ اخلاق و كالات عالییه احراز ایده لرك ارشاد انامه مأمور اولان كامل و مكمل كسه لر در .

ماده ۳ درویش و مرید : بر مرشد كامله انتصاب و سیر و سلوك ايله اشتغال ایدنلر در .

ماده ۴ محب : مشایخ و درویشانه حرمت و محبتله كندیلرینه همبزم محبت اولان كسه لر در .

ماده ۵ تکیه : برشیخك ظاهرأ و باطنأ اداره سی التند اولوب دروننده درویشان و محبانك اقامت و ملازمتلرله سیر و سلوك و تهذیب اخلاق و اكتساب فیض و كالات ایلدكلری مؤسسات خیریه در .

- ماده ۶ مشایخ و درویشان و محبان بشقه بشقه وظائف و خدمات ایله مکلفدرلر .
 ماده ۷ مشایخه عائد اولان وظائف ایکی قسمدر بری وظائف داخلیه دیکری وظائف خارجیه در وظائف داخلیه تکیه لری دروننده و وظائف خارجیه دخی تکیه لری خارجنده ایفاسیه موظف اولدق لری وظائف و خدمتلردر .

برنجی فصل

وظائف داخلیه حقنده در

ماده ۸ مشایخ کرام : تکیه لری نك منسوب ایله و مشروط ایلی اولان طریقت علیه نك اصول و آداب وارکان صحیحه اصلیه سیله اوقات معینه سمنده اوراد واذکاری و واقفک شرائط معتبره سنی تمامیه ایفا ایتمکله مکلفدر .

ماده ۹ طریقت علیه نك عقائد حقّه اسلامیه و عزائم صحیحه شرعیه اوزرینه مبنی و مؤسس اولدیفی دایما نظر دفته الهزق درویشان و محبانك اعتقاداً و عملاً مسائل دینه ده تکمیلرینه مدار اولقی اوزره کلام ، فقه ، اخلاق و تصوف تدریساتنه چالشمق و بالخاصه ظنون و شبهات عصریه دن مسائل کلامیه و عقائد دینه نك تنزیه و استحلاصنه اهتمام ایلك مشایخك جمله وظائفنددر .

ماده ۱۰ تکیه لرده اقامت و بیتوات ایدن دوریشانك اعتقاداً و عملاً هر بر مسلم و مسلمنه اوزرینه بیلنمسی واجب اولان مسائل شرعیه ده کوریه جك جهاتلرندن دولای مشایخ مسئول اولاجقلردر .

ماده ۱۱ تکیه لرده بولنان جهات سائر نك احبابی طرفلرندن وقت وزمان معینلرنده ایفاسنه تکیه شیخلری نظارت ایده جکلر و قصور و تکاسلی مشهود اولانلری در حال مجلس مشایخه و طشره لرده انجمن مشایخ هیئتلرینه بیلدیره جکلردر .

ماده ۱۲ اهمیت موقعیه سیله وسعی متناصب و مساعد اولان تکایاده منطقه لری داخلنده بولنان همجوار اهالی ایچون تعلیم قرائته و معلومات دینه و مدنییه دائر کیجه درسلی کشادینه و بونلوك دوام و رغبتلری نك تأمین خصوصنده تشویقات مؤثره ایفاسنه مشایخ کرام طرفلرندن غیرت اولنه جقدر .

ماده ۱۳ تکایا ذکر و عبادت و تدریس و تعلیم قرائت یا خود بین الاخوان زیارت و صحبت ایچون وقوع بولاجق مرهانیکی بر اجتماع و جمعیتک نهایتده طاغلامازدن اول حسن ادا و صدایه مالک بر ذات طرفندن تیناوتبرکاً بر عشر شریف تلاوتنه دائماً اعتنا اولنه جق و حضار طرفندن حرمت کامله ایله استماع و انصات ایذیله جکدر .

ایکینجی فصل

وظائف خارجییه دأردر

ماده ۱۴ تکایا مشایخی خلق ایله وقوع بولاجق کافه معاملاتلرنده رحم و شفقت، وقار و سکینت، عفو و سماحت، ایثار قوت کبی مکارم اخلاق اسلامیة نک محافظه سنی صوک درجه ده التزام و اشبو مسلک منجمله بوتون درویشان و محبان ایچون برر نمونه امثال اولمه جداً اعتنا و اهتمام ایده جکدر .

ماده ۱۵ تکایا منطقه ری داخلنده بولان فقرای اهاییه بقدر الامکان خدمت و معاونت لدره بولنق، خستگانی عیادتله تطیب و تسلیت لرینه چالیشمق و تدایلیری خصوصنده دلالت ایتمک و ایتم وار املک و مجاهدین و غزاة مسلمین طائهلرینک صیانت لری اوغورنده اخوان دینه رهنا بولمق مشایخ کرامک مسلک مضمویلیری مقتضیاتنددر .

ماده ۱۶ مشایخ و درویشان جنازه مراسم لرنده انجق اتباع جناز و جیه دینه سنک اجر و مثوباتنه نائل اولمق ایچون هموم صرمه سنده بولنه بیلیرلر . بو مثللو مراسمده حکومت سنیه جه مشایخ نامنه بر هیئت مخصوصه نک بولنسنه لزوم کوریلور ایسه مجلس مشایخ طرفندن ترتیب اولنور .

ماده ۱۷ مشایخ کرام مسالک جلیله صوفیه یه شین آور اوله جق تذللده بولنقدن واضطرار شرعی اولمدقچه صدقات ناسی المقدن اجتناب ایدرلر .

ماده ۱۸ تکایا مشایخی مجلس مشایخ، معلومات و یرمینجه و یرلرینه مناسب بر ذاتی توکیل ایلنجه تکیه لرندن غیوبت ایده منزلر .

ماده ۱۹ مشایخ کرام مجالس و محافله علی الدرجات سنأ ییوک اولنلری کندی لرینه تقدیم ایله ابراز حرمت و تکریم ایدرلر

اوچنچی فصل

درویشان و محبانك وظیفه لرینی مبیندر

ماده ۲۰ تکایاده مقیم درویشان : اوقات معینه ده وظائف دینییه و شرائط وقفیه نك ایضاسنه و مجلس مشایخ تعلیمات و مقرراتی احکامیه شیخلری طرفلرندن ویریه جك اوامرك افاذینه مجبوردر .

ماده ۲۱ وظائفی ایضا و احکام و اوامره امتثال ایتمیانلر شیخلری طرفلرندن تکایاده بیتوت و اقامتدن منع اولنورلر .

ماده ۲۲ برتکیه دن دیگر برتکیه یه نقل مکان ایدن درویشانك یدلرنده اولجه دروننده اقامت ایلمش اولدقلری تکیه شیخك وثیقه سی بولمقدجه قبول اولنمز لر .

ماده ۲۳ تکایاده مقیم درویشان وظیفه لرینی ایضا ایلدکدنصکره و قتلرینی بوش کچیرمیه رك قوای عقلیه و بدنییه لرینك مساعده سی نسبتنده شیخلرینك تنسیبی وجهله معین زمانلرده منافع عمومیه یه خادم برر صنایع و مسالك خیریه یه انتساب ایله اوصنعت و مسلکده ترقی و اختصاص ایچون بذل مساعیده بولمقله مکلفدرلر .

ماده ۲۴ درویشان تکایا خارجنده مواضع تهتمدن و طرق علیه منتسبلرینه یا قشیمیه حق ناسزا احوال و حرکندن اجتنابه مجبوردرلر .

ماده ۲۵ محبان تکایاده بولندقلری زمان تکایاه مخصوص اولان اداب و ارکانه حرمت و رعایتله مکلفدرلر .

ماده ۲۶ طاعخانه لرده اوزاد واذکاره اشتراك ایتمیه رك حلقه ذکرک خارجنده بولنانلرک کولمك و قونوشمق کبی محمل ادب احوال و حرکتلردن اجتناب و توقی ایتملری مجبوردرلر .

ماده ۲۷ اشبو تعلیماتنامه نك تکایاده حسن تطبیقه صراکز و تکایا مشایخی ایله مجلس مشایخ مفتشلری نظارت ایده جکلردر .